



Department of Health

ANDREW M. CUOMO
Gouvènè

HOWARD A. ZUCKER, M.D., J.D.
Komisè

LISA J. PINO, M.A., J.D.
Komisè Egzekitif Adjwen

Enstriksyon pou Pwogram Vaksinasyon COVID-19 Eta New York la

Dat antre an vigè 12 janvye 2021

Objektif ak kontèks:

Gen kantite limite vaksen COVID-19 ki disponib pou Pwogram Vaksinasyon COVID-19 (COVID-19 Vaccination Program) New York la. Kantite vaksen eta a resevwa baze sou repatisyon gouvènman federal la fè pou New York. Apre sa Depatman Sante Eta New York la (New York State Department of Health, NYSDOH) pran desizyon sou kijan l ap repati pa eta a ant founisè ak antite ki enskri yo pou bay vaksen an. NYSDOH kontinye ap elaji kad priyorite ak repatisyon li an baze sou rekòmandasyon Komite Konsiltatif sou Pratik Vaksinasyon (Advisory Committee on Immunization Practices, ACIP) Sant pou Kontwòl ak Prevansyon Maladi yo (Centers for Disease Control and Prevention, CDC). Founisè yo dwe bay travayè lasante yo priyorite, epi lopital yo dwe kontinye bay travayè lasante yo ki nan gwoup 1A a priyorite, men yo gen dwa vaksinen tout moun ki kalifye ki nan 1A oswa nan 1B. Famasi vant an detay yo oswa rezo doktè yo oswa kabinè medikal yo, lè yo fin vaksinen pèsonèl pa yo ki wè ak pasyan, dwe vaksinen moun ki gen laj omwen 65 an sèlman. Depatman Sante Lokal yo (Local Health Departments) dwe bay popilasyon travayè esansyèl ki nan 1B priyorite.

New York egzije egalite sosyal ak distribisyon san patipri pami gwoup priyorite yo ki kalifye kounye a pou garanti tretman jis ak repatisyon pwopòsyonèl ni pa gwoup ni pa rejyon.

Tout founisè vaksen yo nan Eta New York, pami yo sa ki chita nan Vil New York la, dwe suiv enstriksyon Depatman Sante Eta New York la (NYSDOH) sou priyorite vaksen an, epitou nenpòt ki lòt direktiv. Lopital yo ak lòt founisè medikal yo dwe kontinye bay pèsonèl ak lòt travayè lasante yo ki gen anpil risk priyorite, jan sa dekri nan enstriksyon anvan sa ak nan Apendis A, men yo pa kapab limite pwogram vaksinasyon yo an a travayè sa yo sèlman.

Moun ki kalifye:

Apendis A fè rezime popilasyon ki fèk kalifye yo pou pran vaksen an, sa gen ladan gwoup ki te gen priyorite yo ant 1ye ak 4yèm Semèn yo nan Pwogram Vaksinasyon COVID-19 Eta New York la, ki kalifye toujou.

Responsabilite founisè vaksen yo:

- Yo dwe bay vaksen COVID-19 la dapre plan priyorite NYSDOH la tabli an. Vaksen an pa kapab sèvi pou ankenn lòt popilasyon ni gwoup apa sa ki nan lis la kòm kalifye nan enstriksyon NYSDOH yo, konfòmman ak [Dekrè Egzekitif \(Executive Order\) 202.88](#).
- Tout enstalasyon, antite, ak kabinè k ap resevwa vaksen gen obligasyon pou yo sèvi ak tout dòz yo rapidman, dapre politik "Sèvi avè l oswa Pèdi l (Use it or Lose it)" New York la. Si gen vaksen yo pòkò bay sèt jou apre yo fin resevwa yo, yo gen dwa wete dòz ki rete yo, epi antite yo gen dwa pa resevwa dòz vaksen pi devan.

- Tout founisè oswa antite ki pa sou chimen bay popilasyon ki kalifye yo tout dòz yo resevwa yo nan semèn yo resevwa yo a, dwe fè eta a konn sa nan senkyèm jou apre yo resevwa yo a pou piplis, nan CovidVaccineNotUsed@health.ny.gov
- Yo pa kapab redistribye vaksen an bay yon ni lòt enstalasyon, ni lòt founisè, ni lòt kabinè, ni lòt depatman san NYSDOH pa bay apwobasyon ak konsantman alavans. Enstalasyon ki bezwen redistribye vaksen dwe depoze yon [fòmilè redistribisyon ranpli](#) nan COVIDVaccineRedistribution@health.ny.gov epi yo pa dwe redistribye toutotan yo pa gen apwobasyon NYSDOH.
- Ou gen dwa transpòte vaksen yon lòt kote nan objektif fè yon klinik vaksinasyon pandan yon tan limite san apwobasyon alavans NYSDOH; sepandan, ou dwe repote tout vaksen ki pa sèvi yo nan premye kote a lè klinik la fini jou sa a. Tout gwoup k ap fè klinik vaksinasyon pou yon tan limite dwe respekte tout kondisyon yo sou rapòte vaksinasyon COVID-19. Vaksen an dwe rete nan men w ak sou kontwòl ou pandan tout dire transpò a ak pandan w ap bay li.
- Moun k ap bay vaksen yo dwe gen priyorite nan resevwa vaksen an kou gen dòz ki disponib.
- Founisè yo dwe konfime kantite egzak moun ki pou resevwa vaksen an nan popilasyon ki kalifye yo disponib pou pran vaksen an anvan yo rale premye dòz la nan yon nouvo poban.
- Tout founisè yo dwe kenbe chak jou yon lis moun kalifye ki sou “estennbay” pou fè yo konnen lè gen posibilite pran randevou pou pran vaksen nan dènye moman. Kou founisè yo konnen gen plis dòz pase moun ki pou pran vaksen, yo dwe rele moun kalifye ki sou “estennbay” yo, oswa yo dwe pran dispozisyon pou mennen plis moun ki kalifye nan enstalasyon an oswa nan klinik la anvan peryòd ki akseptab pou itilizasyon an ekspire. (gade paj 3 pou plis enstriksyon.)
- Founisè yo pa dwe ranpli alavans plis sereng pase sa yo kapab itilize nan inèdtan. Sereng ki tou plen yo dwe sèvi nan 6 èdtan apre yo fin plen yo. Si yo plen twòp sereng sa gen dwa lakòz gaspiyaj si yon klinik dwe sispann bonè oswa si gen twòp moun ki pa pase evalyasyon medikal la oswa ki pa vini nan randevou yo a. Tanpri gade [Enstriksyon pou Itilizasyon Dòz Vaksen COVID-19 ki Rete nan Finisman Jounen an oswa Klinik pou Founisè k ap Patisipe nan Pwogram Vaksinasyon COVID-19 Eta New York la](#) pou plis enfòmasyon.
- Tout enstalasyon oswa kabinè yo gen obligasyon pou yo suiv kiyès ki pran vaksen an pami pèsònèl yo e yo dwe bay NYSDOH done sou moun sa yo ki pran vaksen an sou demann.
- Pou famasi yo, rezo doktè yo ak kabinè medikal yo sèlman, moun ki kalifye pou pran vaksen nan enstalasyon sa yo se moun ki gen laj omwen 65 an. Tout lòt moun ki kalifye yo dwe kontakte lòt founisè ki enskri pou pran randevou pou vaksinasyon.
- Depatman Sante Lokal yo dwe bay travayè esansyèl yo (polisye, ponpye, pwofesè, anlwaye transpò piblik, elatriye. Gade Apendis A) priyorite.
- Lopital yo, Klinik Sante Gouvènman Federal la Rekonèt yo (Federally Qualified Health Clinic, FQHC) ak founisè swen ijan oswa swen pou pasyan ki kapab deplase yo dwe kontinye bay popilasyon 1A a priyorite men yo gen dwa vaksinen tout moun ki kalifye.

Chak enstalasyon ki resevwa vaksen:

- Dwe konnen ki kantite vaksen li pral resevwa.
- Dwe sèvi ak tout dòz vaksen yo nan semèn li resevwa yo a gras a deplwaman rapid yo nan popilasyon ki kalifye yo.

- Dwe deside kiyès nan pwòp manm pèsònèl pa yo k ap gen priyorite pou resevwa vaksinyon an premye.
- Dwe bay moun k ap bay vaksen yo priyorite pou pran vaksen.
- Dwe rezève vaksen pou moun ki pa travay nan enstalasyon an.
- Gen dwa gen pou planifye ak fè aranjman pou lòt popilasyon ki gen priyorite pou vaksinyon andedan enstalasyon an.
- Ap kapab sèvi ak zouti Sistèm Jesyon Done Mezi Prevansyon (Countermeasure Data Management System, CDMS) Depatman an sou demann, pou bay randevou pou vaksinyon nan lè enstalasyon an bay yo, sepandan, itilizasyon CDMS la pa obligatwa.
- Yo dwe rapòte tout vaksen yo bay yo, sou Sistèm Enfòmasyon sou Vaksinyon Eta New York la (New York State Immunization Information System, NYSIIS) oswa nan Rejis Vaksinyon pou Tout Vil la (Citywide Immunization Registry, CIR) nan Vil New York, nan 24 èdtan apre yo fin bay vaksen an.
- Moun k ap Bay Vaksen yo dwe rapòte tou lòt enfòmasyon sou tout moun yo vaksinen chak jou yo sou [Zouti pou Suivi Vaksen COVID-19 la \(COVID-19 Vaccine Tracker\)](#).

Vaksinyon moun ki soti deyò enstalasyon oswa kabinè w lan:

NYSDOH la pral kominike klè avèk enstalasyon yo oswa kabinè yo sou repatisyon vaksen yo (paregzanp si yon sèten pa vaksen se nan objektif vaksinen moun ki soti andeyò enstalasyon oswa kabinè an) epi l ap bay sou demann sipò pou bay randevou pou vaksen sou CDMS la. Ou gen dwa sèvi ak pwòp sistèm randevou w si ou pito sa. Si ou pa fin si ki popilasyon ki gen priyorite pou yon pa vaksen, ou dwe voye yon imèl bay NYSDOH la nan COVID19Vaccine@health.ny.gov. Yo tout dwe verifye moun y ap vaksinen yo kalifye pou resevwa vaksen an jan [Executive Order 202.86](#) la egzije li.

Dezyèm dòz vaksen COVID-19 la:

Yo dwe bay dezyèm dòz la 21 jou (vaksen Pfizer-BioNTech la) oswa 28 jou (vaksen Moderna a) apre premye dòz la. Pou fasilite sa, tout founisè yo **dwe** bay randevou pou dezyèm dòz la pou moun k ap pran vaksen yo **nan moman y ap bay premye dòz la**. Moun ki pran vaksen an dwe retounen nan menm kote a pou pran dezyèm dòz la. Moun yo dwe pran de dòz menm vaksen an (paregzanp, ou dwe pran de dòz vaksen Pfizer-BioNTech la oswa de dòz vaksen Moderna a). Ou **pa** kapab chanje youn pou lòt. Tanpri gade [Enstriksyon pou Bay Dezyèm Dòz Vaksen COVID-19 la](#) pou plis enfòmasyon sou kijan pou bay dezyèm dòz la.

Planifikasyon dezyèm dòz la, sa gen ladan bay randevou pou dezyèm dòz la, ap dwe fèt pou tout pèsònèl enstalasyon an ak moun ki soti deyò enstalasyon an. Sepandan, tanpri pran nòt premye repatisyon an se pou premye dòz vaksen an. **Pa rezève vaksen ki pou premye dòz pou dezyèm dòz la**. Y ap voye yon repatisyon dezyèm dòz nan enstalasyon w lan atan pou bay dezyèm dòz la nan entèval obligatwa a. **Ou dwe rezève kagezon dezyèm dòz la pou dezyèm dòz yo**. N ap fè enstalasyon yo konnen lè n ap voye kagezon dezyèm dòz la ak kantite k ap gen ladan pou yo kapab separe ak premye dòz yo nan envantè w lan.

Dòz anplis Pfizer-BioNTech ak Moderna:

Poban yo pou ni Pfizer-BioNTech ni Moderna gen dwa gen dòz vaksen anplis. Moun k ap bay vaksen yo gen dwa itilize nenpòt vaksen anplis yo kapab fasilman rale nan yon sereng pou satisfè egzijans sou dòz yo. Yo **PA KAPAB** konbine likid vaksen anplis ki soti nan plis pase yon sèl poban pou fè dòz anplis. Sa enpòtan anpil poutèt vaksen an pa gen aditif konsèvasyon. Antre tout vaksen ou bay yo nan NYSIIS/CIR, sa gen ladan tout vaksen anplis ou bay, sepandan pa modifiye envantè a poutèt ou panse ap gen dòz anplis. Pou plis enfòmasyon tanpri gade enstriksyon [Pfizer-BioNTech](#) yo ak enstriksyon [Moderna](#) yo pou dòz anplis.

Dòz vaksen COVID-19 ki rete yo:

Tout founisè vaksen yo dwe planifye an konsekans pou yo kapab bay tout dòz vaksen yo. Bonjan planifikasyon pou evite gaspiyaj gen ladan konfime kantite egzak moun ki pou resevwa vaksen an nan yon popilasyon ki gen priyorite e ki disponib pou pran vaksen an anvan ou rale premye dòz la nan yon nouvo poban.

Tout founisè yo dwe kenbe chak jou yon lis moun kalifye ki sou "estennbay" pou fè yo konnen lè gen posibilite pran randevou pou pran vaksen nan dènye moman. Kou founisè yo konnen gen plis dòz pase moun ki pou pran vaksen, yo dwe rele moun kalifye ki sou "estennbay" yo, oswa yo dwe pran dispozisyon pou mennen plis moun ki kalifye nan enstalasyon an oswa nan klinik la anvan peryòd ki akseptab pou itilizasyon an ekspire. Sepandan, gen dwa gen lè poutèt move tan, anilasyon, oswa dòz anlès nan poban, kote gen dòz vaksen ki rete nan finisman jounen travay la oswa nan finisman yon klinik vaksinasyon epi pa gen pèsonn nan popilasyon ki gen priyorite a ki kapab vini anvan dòz la ekspire. Lè sa yo epi **sèlman** nan sikonstans sa yo, founisè yo gen otorizasyon NYSDOH pou yo bay lòt anplwaye ki wè ak piblik la vaksen. Kòm egzanp, famasyon komèsyal yo ki nan sitiyoasyon sa a ki te deja vaksinen popilasyon ki kalifye yo, tout moun ki wè ak piblik la nan depatman famasi an ak nan lis "estennbay" la kapab pase apre sa a vaksinasyon konmi, kesye, anplwaye apwovizyonman ak pèsònèl livrezon, olye pou yo kite dòz yo ekspire. Eksepsyon sa a se **SÈLMAN** nan objektif pa gaspiye vaksen an.

Amezi Pwogram Vaksinasyon COVID-19 Eta New York la ap ouvè pou plis popilasyon, nesite pou eksepsyon sa a ta dwe diminye anpil. Si yo sèvi ak eksepsyon sa a, founisè yo dwe:

- Egzije pou tout moun ki pran vaksen COVID-19 la ranpli Fòmilè Vaksen COVID-19 Eta New York la konfòmeman ak Dekrè Egzekitif 202.86.
- Note tout dòz vaksen yo bay nan NYSIS/CIR nan 24 èdtan apre yo bay li.
- Kenbe yon fèy suivi separe pou yo kapab dokimante klèman kantite vaksen yo itilize pou diferan gwoup, epitou kiyès yo bay li.
- Fè tout posib yo pou planifye yon dezyèm dòz nan moman y ap bay vaksen an.
- Kontakte Depatman Sante lokal la pou konnen si gen moun ki kalifye yo kapab kontakte pou ba yo vaksen an anvan yo jete vaksen.

Fòmilè vaksen:

Tout moun k ap pran vaksen COVID-19 la dwe ranpli [Fòmilè Vaksen COVID-19 Eta New York la](#) pou premye dòz la, konfòmeman ak Dekrè Egzekitif 202.86, epi ateste li kalifye pou li pran vaksen an Kabinè, founisè, ak antite yo dwe konfime yo respekte kondisyon sa a nan moman y ap bay vaksen an.

Prèw Pwofesyon oswa Kalifikasyon:

Moun y ap bay vaksen yo dwe bay prèw yo kalifye. Pami prèw sa yo gen:

- kat idantite oswa badj anplwaye,
- yon lèt nan men yon patwon oswa yon òganizasyon afilye, oswa
- souch chèk peman, dapre estati priyorite patikilye a.

Kòm lòt opsyon, patwon yo oswa òganizasyon yo kapab bay yon lis manm pèsònèl ki respekte kondisyon kalifikasyon yo pou vaksinasyon. Pa vaksinen ankenn moun ki pa gen prèw pwofesyon li, laj li, oswa estati priyorite li, sa ki aplikab la. Dekrè Egzekitif 202.86 la enpoze sanksyon monetè pou tout founisè ki vaksinen yon moun ki pa sètifye li elijib oswa si founisè a konnen yon lòt jan moun nan pa fè pati yon gwoup ki gen priyorite.

Anplis de sa, fòmilè vaksen NYSDOH la gen ladan yon oto-atestasyon sou kalifikasyon pou vaksinasyon, ki dwe ranpli anvan vaksinasyon an.

Absans Danje nan Vaksen an:

Siveyans apre vaksinasyon se yon pati esansyèl nan pwogram vaksinasyon COVID-19 la. Sant pou Kontwòl ak Prevansyon Maladi yo (CDC) ap pouse ak ankouraje tout moun k ap pran vaksen yo pou yo patisipe nan V-Safe, yon aplikasyon sou telefòn entelijan ki pral pèmèt moun ki pran vaksen antre sentòm yo nan kèk jou apre vaksinasyon an nan mesaj pa tèks. V-Safe ofri tou rapèl pou dezyèm dòz la ak suivi pa telefòn pou nenpòt moun ki rapòte efè negatif ki enpòtan nan pwendvi medikal. Ou kapab jwenn enfòmasyon sou V-Safe nan <http://www.cdc.gov/vsafe>, sa gen ladan yon fèy enfòmasyon sou V-Safe. Tanpri enprime fèy enfòmasyon an epi bay chak moun k ap pran vaksen an li. Ou dwe rapòte efè negatif ki genyen apre vaksinasyon an nan Sistèm pou Rapòte Efè Negatif Vaksen an (Vaccine Adverse Events Reporting System, VAERS) nan info@VAERS.org oswa rele 1-800-822-7967.

Egalite:

Yo dwe mete tout travayè ki respekte kondisyon yo pou vaksinasyon an, kèlkeswa tit fonksyon yo an. Paregzanp, nan yon lopital, doktè, enfimiyè otorize, enfimiyè oksilyè, oksilyè diplome, asistan pou swen pèsònèl, anplwaye menaj, sekretè-resepsyonis, anplwaye sèvis manje, ak lòt moun k ap travay nan menm etaj, sal, klinik oswa biwo epi ki gen kontak dirèk avèk pasyan COVID-19 dwe yo tout kalifye pou vaksinasyon menm lè. Tout kalite travayè ki respekte kondisyon yo pou travayè premye liy esansyèl kalifye, kèlkeswa tit fonksyon li, kote li ye oswa lòt estati.

Yo dwe fè efò pou sansibilize moun ki gen laj omwen 65 an yo nan tout kominote ak nan tout kad. Moun ki nan zòn ki gen endis frajilite sosyal wo pi frajil pa rapò ak COVID-19 e yo dwe fè yo konnen kijan yo kapab pran vaksen an.

Kijan pou kominike plan an:

Tanpri kominike tout pèsònèl la priyorite a klèman.

Enstriksyon sa yo an vigè apati de dat yo pibliye a jiskaske yo mete yo ajou, oswa NYSDOH pibliye lòt enstriksyon. Si ou gen kesyon, tanpri kontakte Depatman Sante Eta New York la, Biwo Vaksinasyon an nan COVID19vaccine@health.ny.gov.

Enstriksyon pou Pwogram Vaksinasyon Eta New York la
Apendis A
Gwoup Pwiyorite ki Kalifye pou Pran Vaksen yo

Nouvo Gwoup Pwiyorite ki Kalifye pou 5yèm Semèn nan:

- 65 zan e plis¹
- Premye Sekouris oswa Pèsonèl Soutyen pou Ajans Premye sekouris
 - Ensandi
 - Sèvis Ponpye Eta, ki gen ladan ponpye yo ak investigatè yo (pwofesyonèl ak volontè)
 - Sèvis Ponpye Lokal, ki gen ladan ponpye yo ak investigatè yo (pwofesyonèl ak volontè)
 - Polis ak investigasyon
 - Lapolis Eta, ki gen ladan Jandam yo
 - Lapolis Pak Eta (State Park Police), Lapolis Depatman Konsèvasyon Anviwonmantal (Department of Environmental Conservation, DEC), Gad Forestye yo
 - Lapolis SUNY
 - Biwo Cherif yo
 - Depatman Lapolis Konte yo ak Distri Lapolis yo
 - Depatman Lapolis Vil, Bouk, ak Vilaj yo
 - Transpò Komen lèt Depatman Lapolis Otorite Piblik yo
 - Ankèt sou Teren Eta a, ki gen ladan DMV, SCOC, Sant Jistis, DFS, IG, Taks, OCFS, SLA
 - Kominikasyon sou Sekirite Piblik
 - Pèsonèl Kominikasyon Ijans ak Pèsonèl PSAP, ki gen ladan dispatchè ak teknisyen yo
 - Lòt Pèsonèl Asèmante ak Pèsonèl Sivil
 - Ofisye Tribinal
 - Lòt Ofisye Lapolis oswa Ofisye Lapè
 - Pèsonèl Soutyen oswa Pèsonèl Sivil pou Nenpòt nan Sèvis, Ajans, oswa Etablisman ki anwo yo
- Koreksyon
 - Pèsonèl DOCCS Eta a, ki gen ladan ofisye koreksyon ak ofisye liberasyon sou kondisyon
 - Etablisman Koreksyonèl Lokal yo, ki gen ladan ofisye koreksyon yo
 - Depatman pwobasyon Lokal yo, ki gen ladan ofisye pwobasyon yo
 - Etablisman Detansyon jivenil Eta ak Etablisman Reyabilitasyon yo
 - Etablisman Detansyon jivenil Lokal ak Etablisman Reyabilitasyon yo
- Lekòl P-12 yo
 - Pwofesè oswa pèsonèl lekòl oswa distri lekòl P-12 (ki gen ladan tout pwofesè yo, pwofesè ranplasan yo, pwofesè estajyè yo, administratè lekòl yo, adjwen ansèyman yo, ak pèsonèl soutyen yo ki gen ladan chofè otobis yo)
 - Kontraktè k ap travay nan yon lekòl oswa yon distri lekòl P-12 (ki gen ladan chofè otobis ki sou kontra yo)
 - Gadri ki lisansye, anrejistre, apwouve oswa ki legalman egzante
- Pwofesè ak anseyan inivèsite an pèsòn yo
- Anplwaye oswa Pèsonèl Soutyen nan Anviwònman Gadri ki Lisansye, Anrejistre, Apwouve oswa ki Legalman Egzante
- Founisè Gadri ki Lisansye, Anrejistre, apwouve oswa ki legalman egzante

¹ Se sèlman moun ki fè pati popilasyon sa a famasi yo ak rezo doktè yo ak gwoup kabinè medikal yo ap vaksinen.

- Transpò Piblik
 - Anplwaye avyon ak anplwaye ayewopò
 - Anplwaye tren pasaje yo
 - Anplwaye metwo ak anplwaye transpò piblik (sa vle di, MTA, LIRR, Metro North, NYC Transit, Upstate Transit)
 - Anplwaye bak pasaje
 - Anplwaye Otorite Pòtyè (Port Authority)
 - Anplwaye otobis piblik
- Travayè magazen manje ki ap rankontre piblik la
- Moun k ap viv nan yon refij pou sanzabri kote yo dwe pataje chanm pou dòmi, sal pou benyen oswa sal kote yo manje ak moun ak fanmi ki pa fè pati kay ou.
- Moun k ap travay (peye oswa ke yo pa peye) nan yon refij pou sanzabri kote chanm pou dòmi, sal pou benyen oswa sal kote yo manje ak moun ak fanmi ki pa fè pati menm kay la, nan yon pozisyon kote gen potansyèl pou gen entèraksyon ak rezidan refij yo.

Gwoup priyorite ki kontinye kalifye:

- Travayè Sante yo
 - Pèsonèl lopital ki gen risk elve yo ak pèsonèl FQHC, ki gen ladan sant sikyatrik OMH yo.
 - Pèsonèl esansyèl swen sante oswa lòt pèsonèl ki gen risk elve ki antre an kontak ak rezidan/pasyan yo k ap travay nan LTCFs ak anviwònman kolektif alontèm yo, ki sipèvize pa OPWDD, OMH, OCFS ak OASAS, ak rezidan k ap viv nan sitiyasyon kolektif, ki opere pa OPWDD, OMH, OCFS ak OASAS.
 - Pèsonèl founisè swen ijan.
 - Pèsonèl ki administre vaksen COVID-19.
 - Tout travayè swen sante pou pasyan ekstèn/anbilatwa ki nan premye liy yo, ki gen risk elve, kèlkeswa laj yo, ki bay swen dirèk pou pasyan an pèsòn yo, oswa lòt pèsonèl ki nan yon pozisyon kote yo gen kontak dirèk ak pasyan yo (sa vle di, anplwaye akèy yo),
 - Sa gen ladan, men li pa limite ak, moun ki travay nan kabinè medikal prive yo; kabinè medikal ki afilye ak lopital yo; klinik sante piblik yo; tout kalite kabinè medikal espesyalize yo; tout kalite kabinè dantè yo; travayè dyaliz yo; sant dyagnostik ak tretman yo; pwofesyonèl terapi nan travay yo; pwofesyonèl terapi fizik yo; pwofesyonèl terapi pou langaj yo; Moun k ap tire san nan venn ak moun kap travay ak san; travayè sante konpòtmantal yo; fanm saj ak doula; ak travayè sante ki se etidyan yo.
 - Tout travayè ki nan liy devan, travayè sante piblik ki gen risk elve ki gen kontak dirèk ak pasyan yo, ki gen ladan moun ki fè tès COVID-19 yo, sa yo k ap manyen echantiyon COVID-19 ak vaksen COVID-19 yo.
- Founisè NYS EMS ki sètifye, ki gen ladan pami lòt Premye Sekouris Sètifye, Teknisyen Medikal pou Ijans, Teknisyen Medikal pou Ijans Avanse, Teknisyen Medikal pou Ijans –Swen Entansif, Paramedikal, Operatè Veyikil Anbilansye Ijans, oswa Asistan Anbilansye ki pa Sètifye.
- Kowonè Konte oswa Medsen Lejisl, oswa patwon oswa kontraktè ki ekspoze a materyèl enfektye oswa likid kòporèl yo.
- Direktè finèb ki gen lisans, oswa pwopriyetè, operatè, anplwaye, oswa kontraktè yon konpayi finèb ki gen lisans epi ki anrejistre nan Eta New York, ki ekspoze a materyèl enfektye oswa likid kòporèl.
- Travayè ak oksilyè swen adomisil yo, travayè ospis yo, oksilyè swen pèsonèl yo, ak travayè swen pèsonèl ki destine pou konsomatè yo.
- Anplwaye ak rezidan nan mezon retrèt yo, etablisman retrèt ak etablisman mezon retrèt ki kalifye yo